


孝經

再板

□ 12
3191



口 12
3191

重刻古文孝經序

先王之道莫大於孝仲尼之教莫先於孝自
六經而下無非孔氏遺書其有出孝經之右
者乎何以言之天下無有無父母之人故也
孝經有二本其一河間王所得十八章者謂
之今文其一魯共王壞孔壁所得竹牒科斗
文二十二章者孔安國所為作傳謂之古文

昭和十年
一月九日
購末

安國曰今文十八章文字多誤又曰河間王
所上雖多誤然以先出之故諸國徃_レ有之
漢先帝發詔稱其辭者皆言傳曰其實今文
孝經也由是觀之今文孝經之行也已久矣
古文者雖安國為之訓傳蓋當時未之行也
迨乎漢季馬季長擬作忠經十八章倣今文
孝經也鄭康成注孝經亦其今文者也自是

厥後今文孝經之行彌盛而古文亦與之俱
行至唐明皇親注孝經雖兼取孔鄭二家之
說然其經則用今文取其闕閨門章也於是
古文孝經遂廢不行至宋邢昺依明皇御注
作正義然後孝經唯御注本行于世鄭注遂
亡古文孝經亦亡其傳文而僅存其經文宋
人尊信孝經者莫若司馬溫公然特得古文

重刊古文孝經 序 二 孝經之圖
本經而讀之耳不覩孔傳也自二程至朱熹
氏皆疑孝經以為後人所擬作朱子又妄改
易本經篇章著為經一章傳十四章且刪去
其本文二百餘字孔子曰信而好古若朱子
者可謂拂矣自是以來學朱氏者舉不信孝
經塾師不以為教至今童子輩目弗見孝經
悲夫先王之道莫大於孝仲尼之教莫先於

孝夫子不曰乎吾志在春秋行在孝經是以
後世人主不讀書則已苟讀書者必自孝經
始况下焉者乎今朱氏之徒不讀孝經而學
心法其不為浮屠之歸者幾希夫古書之亡
于中夏而存于我

日本者頗多宋歐陽子嘗作詩稱逸書百篇
今尚存昔僧裔然適宋獻鄭注孝經一本於

太宗司馬君實等得之大喜云今去其世七百有餘年古書之散逸者亦不少而孔傳古文孝經全然尚存于我

日本豈不異哉予嘗試檢其書古人所引孔安國孝經傳者及明皇御注之文邢昺以為依孔傳者畢有特有一二字不同耳得非傳寫之互訛乎先儒多疑孔傳以為後人偽造

者予獨以為非經曰身體髮膚受之父母弗敢毀傷孝之始也諸家解皆以為孝子不得以凡人事及過失毀傷其身體孔傳乃以為刑傷蓋三代之刑有劓刵及宮非傷身乎剕非傷體乎髡非傷髮乎墨非傷膚乎以此觀之孔傳尤有所當也王仲任亦嘗誦是經文而曰孝者怕入刑辟刻畫身體毀傷髮膚少


重刊古文孝經 序
德泊行不戒慎之所致也合而觀之可以見
古訓焉如從諸家說則忠臣赴君難者不避
水火兵刃節婦有斷髮截鼻者彼皆為不孝
矣是說不通也余故曰孔傳者安國所作無
疑也或曰尚書之文竒古難讀安國傳之其
言甚簡孝經之文平易安國傳之乃不厭繁
文何也曰傳尚書者為學士大夫也故不盡

其說使讀者思而得之傳孝經者為凡人也
故丁寧其言以告諭之此其所以不同也嗚
呼夫孝者百行之本萬善之先自天子至庶
人所不可以一日廢也夫孝不可以一日廢
則孝經亦不可以一日廢也夫自朱氏之學
行而孝經久廢于世純常慨焉幸孔壁古文
孝經并與安國之傳存于我

重刊古文考 戶 五 紫芝園
日本者寧不知珍而寶之哉惟是經國人相傳之久不知歷幾人書寫是以文字訛謬魚魯不辨純既以數本校讐且旁及他書所引若釋氏所稱述苟有足徵者莫不參考十更裘葛乃成定本其經文與宋人所謂古文者亦不全同今不敢從彼改以蓋相承之異未必宋本之是而我本之非也傳中間有不成

語雖疑其有誤然諸本皆同無所取正故姑傳疑以俟君子今文唐陸元朗嘗音之古文則否今因依陸氏音例並音經傳庶乎令讀者不誤其音矣書成而欲刻之家塾則淺田思孝出其橐裝以助費遂趣命工從事予未能為吾家孝子且為孔氏忠臣云爾
日本享保十六年辛亥十一月壬午

太宰純謹序



序終

古文孝經序

孔安國

孝經者何也。孝者人之高行。經常也。自有天地
 人民以來。而孝道著矣。上有明王。則大化滂流。
 充塞六合。若其無也。則斯道滅息。行下孟反。滂
 普光反。塞先
北當吾先君孔子之世。周失其柄。諸侯力爭。道
 德既隱。禮誼又廢。至乃臣弑其君。子弑其父。亂
 逆無紀。莫之能正。是以夫子每於閒居而歎述
 古之孝道也。弑施志反。下
 同。閒音閑。夫子敷先王之教於

魯之洙泗門徒三千而達者七十有二也。貫首弟子顏回。閔子騫。冉伯牛。仲弓。性也。至孝之自然。皆不待諭而寤者也。其餘則悻悻憤憤。若存若亡。敷芳無反。洙音殊。泗音四。有音又。下有唯。二同。騫起虔反。悻芳匪反。憤房粉反。曾參躬行匹夫之孝。而未達天子諸侯以下。揚名顯親之事。因侍坐而諮問焉。故夫子告其誼。於是曾子喟然知孝之為大也。遂集而錄之名。曰孝經。與五經竝行於世。參所金反。坐才臥反。喟苦位反。逮乎六國學校衰廢。及秦始皇焚書坑儒。孝經由是

絕而不傳也。

逮大計反。又音代。下同。校戶。孝反。焚扶云反。坑苦庚反。

至漢

興建元之初。河間王得而獻之。凡十八章。文字多誤。博士頗以教授。後魯共王使人壞夫子講堂。於壁中石函。得古文孝經二十二章。載在竹牒。其長尺有二寸。字科斗形。共音恭。壞音怪。牒徒協反。長直亮反。魯三老孔子惠抱詣京師。獻之天子。天子使金馬門待詔學士。與博士羣儒。從隸字寫之。還子惠一通。以一通賜所幸侍中霍光。光甚好之。言為口實。好呼報反。下同。時王公貴人咸神祕焉。比於禁

方。天下競欲求學。莫能得者。每使者至魯。輒以
 人事請索。或好事者。募以錢帛。用相問遺。魯吏
 有至帝都者。無不齎持。以為行路之資。故古文
 孝經。初出於孔氏。使色吏反。索所白反。遺唯季反。而今文十八
 章。諸儒各任意巧說。分為數家之誼。淺學者以
 當六經。其大車載不勝。反云孔氏無古文孝經。
 欲矇時人。度其為說。誣亦甚矣。數色主反。勝音升。矇音蒙。度待
 反。吾愍其如此。發憤精思。為之訓傳。悉載本文。
 萬有餘言。朱以發經。墨以起傳。庶後學者覩正

誼之有在也。思息嗣反。傳直戀反。下皆同。今中祕書。皆以魯
 三老所獻古文為正。河間王所上。雖多誤。然以
 先出之故。諸國往往有之。漢先帝發詔。稱其辭
 者。皆言傳曰。其實今文孝經也。上時掌反。昔吾逮從
 伏生論古文尚書誼。時學士會云。出叔孫氏之
 門。自道知孝經有師法。其說移風易俗。莫善於
 樂。謂為天子用樂。省萬邦之風。以知其盛衰。衰
 則移之以貞盛之教。淫則移之以貞固之風。皆
 以樂聲知之。知則移之。故云移風易俗。莫善於

樂也。省息井反。又師曠云。吾驟歌南風。多死聲。楚必無功。卽其類也。且曰。庶民之愚。安能識音。而可以樂移之乎。驟仕救反。當時衆人僉以爲善。吾嫌其說迂。然無以難之。後推尋其意。殊不得爾也。難日反。子游爲武城宰。作絃歌以化民。武城之下邑。而猶化之以樂。故傳曰。夫樂以關山川之風。以曜德於廣遠。風德以廣之。風物以聽之。脩詩以詠之。脩禮以節之。又曰。用之邦國焉。用之鄉人焉。此非唯天子用樂明矣。夫音扶。下同。風德福鳳反。下風物同。夫

雲集而龍興。虎嘯而風起。物之相感。有自然者。不可謂毋也。胡笳吟動。馬蹠而悲。黃老之彈。嬰兒起舞。庶民之愚。愈於胡馬與嬰兒也。何爲不可以樂化之。毋音無。蹠徒協反。經又云。敬其父則子說。敬其君則臣說。而說者以爲各自敬其爲君父之道。臣子乃說也。余謂不然。君雖不君。臣不可以不臣。父雖不父。子不可以不子。若君父不敬其爲君父之道。則臣子便可以忿之邪。此說不通矣。吾爲傳。皆弗之從焉也。子說臣說乃說。並音悅。忿芳吻反。邪

耶音

序終

孝經

漢魯人孔安國傳

日本信陽太宰純音

開宗明誼章第一

經一百二十五字

仲尼間居曾子侍坐

仲尼者孔子字也凡名有五品有信有誼有象有假

有類以名生為信以德名為誼以類名為象取物為假取父為類仲尼首上汚似尼丘山故名曰丘而字仲尼孔子者男子之通稱也仲尼之兄伯尼間居者靜而思道也曾子者男子之通稱也名參其父曾點亦孔子弟子也侍坐承事左右問道訓也○間音閑坐才卧反汚烏華反參所反
子曰參先王有至德要道以訓天下子孔子也

師一而已。故不稱姓。先王先聖王也。至德孝德也。孝生於敬。敬者寡而說者衆。故謂之要道也。訓教也。道者扶持萬物。使各終其性命者也。施於人。則變化其行而之正理。故道在身。則言自順。而自行。自正。事君自忠。事父自孝。與人自信。應物自治。一人用之。不聞有餘。天下行之。不聞不足。小取焉。小得福。大取焉。大得福。天下行之。而則謂之孝弟仁誼禮忠信也。○參所金反。下同。說音悅。行下孟反。下而行同。治直吏反。別彼列反。弟大。民用和睦。上下亡怨。女知之乎。行要道計反。則遠者和附。近者睦親也。所謂率已以化奉理。則廢此二誼。則萬姓不協。父子相怨。其數然人也。廢此二誼。則萬姓不協。父子相怨。其數然也。問曾子女寧。知先王之以孝道化。曾子辟席曰。參不敏。何足以知之乎。跪稱名答曰。參性遲鈍。見誼不疾。何足辱以知先王要道乎。蓋謙辭也。凡弟子請業及師之問。皆作而離席也。○辟音避。離。子曰。夫孝。德之本也。教之所繇生也。道者。乃立德之本基也。教化所從生也。德者。得也。天地之道。得則日月星辰。不失其敘。寒燠雷雨。不失其節。人主之化。得則羣臣同其誼。百官守其職。萬姓說其惠。來世歌其治。父母之恩。得則子孫和順。長幼相承。親戚歡娛。姻族敦睦。道之美。莫精於德也。○夫音扶。絲音由。燠於六反。說音悅。治直吏反。長。復坐。吾語女。將開大道。欲其本坐而後語之。夫辟席答對。弟子執恭。告命復坐。師之恩。恕也。○坐才卧反。傳同。語魚據反。傳同。令力呈反。下同。身體髮膚。受之父母。不敢毀傷。孝之始也。情性相通。分形異體。能自保全。而

傷。孝之始也。情性相通。分形異體。能自保全。而夫音扶。辟音避。身體髮膚。受之父母。不敢毀傷。孝之始也。情性相通。分形異體。能自保全。而

無刑傷則其所以為孝之始者也。是以君子之道謙約自持居上不驕處下不亂推敵能讓在也。○處昌呂反推吐雷反遠于萬反。立身行

道揚名於後世以顯父母孝之終也。立身者立

東脩進德志邁清風遊于六藝之場蹈于無過

之地乾乾日競夙夜匪懈行其孝道聲譽宜聞

父母尊顯於當時子孫榮於無窮此則夫孝

孝之終竟也。○解佳賣反聞如字又音問。夫孝

始於事親中於事君終於立身。言孝行之非一

其為孝也。非徒不毀傷父母之遺體而已。故略

於上而詳於此互相備矣。禮男初生則使人執

桑弧蓬矢射天地四方示其有事是故自生至

于三十則以事父母接兄弟和親戚睦宗族敬

長老信朋友為始也。四十以往所謂中也。仕服

官政行其典誼奉法無貳事君之道也。七十老

致仕縣其所仕之車置諸廟永使子孫鑒而則

焉。立身之終其要然也。○夫音扶行下孟反射

食亦反長丁。大雅云亡念爾祖聿脩其德。大雅

文王之德也。無念念也。聿述也。言當念其先祖

而述脩其德也。斷章取誼上下相成所以終始

孝道不以敢解倦者以為人子孫懼不克昌前

烈負累其先祖故也。○亡音無斷音短解佳賣

偽反累劣。天子章第二。經五十三字。

子曰愛親者不敢惡於人。謂內愛已親而外不

遺是謂君心上以順教則萬民同風旦暮利之

孝經

三

紫芝園

以和天下。而長幼之節肅焉。尊卑之序辨焉。是故不遺老忘親。則九族無怨。爵授有德。則大臣興誼。祿與有勞。則士死其制。任官以能。則民上功。刑當其罪。則治無詭。帥士以民之所載。則上下和。舉治先民之所急。則衆不亂。常行斯道也。故國有紀綱。而民知所以終始之也。○長丁文反。上與尚同。帥所愛敬。盡於事親。然後德教加於百姓。刑於四海。其法也。百姓被其德。四海法者。耳目之詔也。立身而民化。德正而官辨。安危在本。治亂在身。故孝者。至德要道也。有其人則通。無其人則塞也。○治亂直吏反。塞先北反。蓋天子之孝也。蓋者。稱辭也。又陳其大綱也。則綱目必舉。天子之孝道。不出此域也。○較古岳反。呂刑云。一人有慶。兆民賴之。呂刑。尚書篇名也。呂者。國名。四嶽之後也。為諸侯相。穆王。

訓夏之贖刑。以告四方。一人謂天子也。慶善也。十億為兆。言天子有善德。兆民賴其福也。夫明王設位。法象天地。是以天子稟命於天。而布德於諸侯。諸侯受命。而宣於卿大夫。卿大夫承教。而告於百姓。故諸侯有善。讓功天子。卿大夫有善。推美諸侯。士庶人有善。歸之卿大夫。子弟有善。移之父兄。由于上之德化也。○相息亮反。夏戶雅反。贖神蜀反。夫音扶。推吐雷反。

諸侯章第三

經七十 六字

子曰。居上不驕。高而不危。高者必以下為基。故利而惡害。其能與百姓同利者。則萬民持之。是以雖處高。猶不危也。○好呼報反。惡烏路反。處昌呂反。制節謹度。滿而不溢。有制有節。謹其法度。守其足。則雖滿而不溢矣。高而不危。所以長守貴也。滿而

不溢所以長守富也。皆自然也。先王疾驕。天道

富貴也。是故自高者必有下之。自多者必有損之。故古之聖賢不上其高。以求下人。不溢其滿。以謙受人。所以自終也。○下人遐嫁反。富貴不離其身。然後能保

其社稷。而其民人蓋諸侯之孝也。有其德。斯

其爵。斯其社稷矣。居身於德。處尊於爵。據有社稷。行其政令。則人民和輯。四境以寧。諸侯之孝道。其法如此也。○離力。詩云。戰戰兢兢。如臨深

淵。如履薄冰。行孝亦然。故取喻焉。臨深淵。恐墜。履薄冰。恐陷。言常不敢自康也。夫能自危者。則能安其位者也。憂其亡者。則能保其存者也。懼其亂者。則能有其治者也。故君子安而不忘危。存而不忘亡。治而不忘亂。是以身安而國家可

保也。○兢居陵反。治直吏反。下同。

卿大夫章第四 經九十四字

子曰。非先王之法。服不敢服。服者。身之表也。尊

故賤服貴服。謂之僭上。僭上為不忠。貴服賤服。謂之偏下。偏下為失位。是以君子動不違法。舉不越制。所以成其德也。○差。非先王之法。言不

初。佳反。又初宜反。偏彼力反。非先王之法。言不敢道。法言謂孝弟忠信仁誼禮典也。此八者。不

地。公平無私。賢不肖莫不用是。先非先王之德。行不敢行。脩德於身。行之於人。擬而後言。議而

能應外。施必先當。是以上安而下是故非法不化之也。○德行下孟反。當丁浪反。

言非道不行。必合典法。然後乃言。必合道誼。然
 度之言。明王不許也。尤所宜慎。故申覆之法。無
 服有制。是以不重也。○覆芳伏反。重直用反。口
 亡擇言。身亡擇行。皆善。無可言。行所可行。故言行
 得利而後有害。偷得樂而後有憂。則先王所不
 言。所不行也。○亡音無。下皆同行。下孟反。傳言
 行同。夫音洛。言滿天下。亡口過行。滿天下。亡怨惡。
 扶樂音洛。言滿天下。亡口過行。滿天下。亡怨惡。
 聖人詳慎。與世超絕。發言必顧其累。將行必慮
 其難。故出言而天下說之。所行而天下樂之。言
 不逆民。行不悖事。則人恐其不復言。恐其不復
 行。若言之不可復者。其事不信也。行之不可再
 者。其行暴賊也。言而不信。則民不附。行而暴賊
 則天下怨。民不附。天下怨。此皆滅亡所從生也。
 ○行下孟反。傳行不行之其行皆同。惡烏路反。
 累劣偽反。難乃且反。說音悅。樂音洛。悖補對反。

復扶又。三者備矣。然後能保其祿位。而守其宗

廟。蓋卿大夫之孝也。三者謂服應法。言有則行。合道也。立身之本。在此三

者三者無闕。則可以安其位。食其祿。祭祀祖考。護守宗廟。宗者尊也。廟者貌也。父母既沒。宅兆

其靈於之祭祀。謂之尊貌。此卿大夫之靈。所以為孝也。○行下孟反。詩云。夙夜匪

解。以事一人。詩大雅。烝民。美仲山甫之章也。仲山甫為周宣王之卿大夫。以事天子。得其道。故取成誼焉。言其柔嘉維則。令儀令

色。小心翼翼。古訓是式。威儀是力。既明且哲。以保其身。皆與此誼同也。○解佳賣反。

士章第五 經八十 六字
 子曰。資於事父以事母。其愛同。資取也。取事父之道。取事母其

也。愛同。資於事父以事君。其敬同。言愛父與母同也。

故母取其愛。而君取其敬。兼之者父也。而母至親。

君至尊而不親。唯父兼尊親之誼焉。夫至親者則敬不至。至尊者則愛不至。人常情也。是故為

人父者。不明父子之誼。以教其子。則子不知為

正其道。以事其父。為人君者。不明君臣之誼。以

正其臣。則臣不知為臣之理。以事其主。君臣以

誼固。上下以序。和眾庶。以愛輯。則主有令而民

行之。上有禁而民不犯。故以孝事君則忠。孝者

也。○夫音扶。輯音集。不犯。故以孝事君則忠。孝者

之。高行也。忠者。臣下之高行也。父母教而得理。

則子婦孝。子婦孝。則親之。高行也。父母教而得理。

親。則當於親。當於親。則親之。高行也。父母教而得理。

則臣下忠。臣下忠。則君之美名彰。人君寬而不虐。

上。則當於君。當於君。則君之爵祿至。是故執人臣之

節。以事親。其孝可知也。操事親之道。以事君。其

忠必矣。○行下孟。以弟事長則順。弟者。善事兄

反。下同。操七刀反。以弟事長則順。弟者。善事兄

於弟。故觀其所。以事兄。則知其所以事。忠順不

長也。○弟大計反。傳同。長丁丈反。傳同。忠順不

失。以事其上。然後能保其爵祿。而守其祭祀。蓋

士之孝也。上謂君長也。此撮凡舉要。申解為士

者。則以其不失忠順於君。詩云。夙興夜寐。亡忝

庶人章第六

經二十四字

子曰。因天之時。就地之利。收冬藏也。地利。謂原

其父母也。能揚名顯父母。保位守祭祀。非以孝

弟。莫由至焉也。○亡音無。宛於阮反。弟大計反。

爾所生。我與當。夙起夜寐。進德脩業。以無忝辱

弟。莫由至焉也。○亡音無。宛於阮反。弟大計反。

陽水陸各有所宜也。庶人之業。稼穡為務。審因四時。就於地宜。除田擊槁。深耕疾耰。時雨既至。播殖百穀。挾其槍刈。脩其壟畝。脫衣就功。暴其髮膚。旦暮從事。霑體塗足。少而習焉。其心休焉。是故其父兄之教。不肅而成。其子弟之學。不勞而能也。○長丁丈反。槁古老反。耰於求反。槍七羊反。刈魚廢反。暴謹身節用以養父母。此庶人步木反。少詩照反。○養羊尚反。

孝平章第七

經二十
五字

子曰。故自天子以下。至於庶人。故者。故上陳孝。五章之誼也。孝亡終始而患不及者。未之有也。躬行孝道。尊卑一揆。人子

之道所以為常也。必有終始。然後乃善。其不能終始者。必及患禍矣。故為君而惠。為父而慈。為臣而忠。為子而順。此四者。人之大節也。大節在身。雖有小過。不為不孝。為君而虐。為父而暴。為臣而不忠。為子而不順。此四者。人之大失也。大失在身。雖有小善。不得為孝。上章既品其為孝之道。此又總說其無終始之咎。以勉人為高行也。○行下孟反。

三才章第八

經一百二
九字

曾子曰。甚哉孝之大也。曾子聞孝為德本。而化焉。行者遇福。不用者蒙患。子曰。夫孝。天之經也。地之誼也。民之行也。經。常也。誼。宜也。行。所由也。地有常宜。人有常行。一設而不變。此謂三常也。孝其本也。兼而統之。則人君之道也。分而殊之。

則人臣之事也。君失其道，無以有其國。臣失其道，無以有其位。故上之畜下，不妄；下之事上，不虛。孝之致也。○夫音扶，傳同。天地之經，而民是行。下孟反，傳同。畜許六反。

則之也。是此誼也。則法也。治安百姓，人君之則也。訓護家事，父母之則也。諫爭死節，臣下之則也。盡力善養，子婦之則也。人君不易其則，故百姓說焉。父母不易其則，故家事脩焉。臣下不易其則，故主無慝焉。子婦不易其則，故親養具焉。斯皆法天地之常道也。是故用則者安，不用則者危也。○爭音諍，養羊尚反。

則天之明，因地之利，以訓天下。夫覆而無外者，天也。其德無物莫不殖焉。是以聖人法之，以覆載萬民。萬民得職而莫不樂用。故天地不為一物枉其時，日月不為一物晦其明。明王不為一人枉其法。法天合德，象地無缺。取日月之無私，則兆民賴其

福也。○夫音扶，覆扶又反。下同。是以其教不肅而成。其政不嚴而治。呼音達，五十里。因高之響也。造父執御，千里不疲。因馬之勢也。聖人因天地以設法，循民心以立化。故不加威肅而教自成。不加嚴刑而政自治也。○治直吏反。

先王見教之可以化民也。之識見教化終始。是故先之以博愛，而民莫遺其親。博愛汎愛衆也。先垂博愛之無有遺忘也。陳之以德誼，而民興行。陳布也。布德其親者也。先之以敬讓，而民不爭。上為敬，則下故民起而先之。以敬讓，而民不爭。上為敬，則下則下不爭。上之化下，猶風之靡草。故每輒道之以已率先之也。○好呼報反。率所律反。

以禮樂而民和睦。禮以強教之恩。民有子弟之敬。於是乎道之斯行。綏之斯來。動之斯和。感之斯睦也。○道音導。傳同。強其丈反。說音悅。綏音雖。

示之以好惡而民知禁。好謂賞也。惡謂罰也。賞而不可犯。分職察而不可亂。人君之所以令行而禁止也。令行禁止者。必先令於民。所以令行而於民之所惡。然後詳其鈇鉞。慎其祿賞焉。有不聽而可以得存者。是號令不足以使其下也。有犯禁而可以得免者。是鈇鉞不足以威衆也。有無功而可以得富者。是祿賞不足以勸民也。號令不足。以使人無以自守之也。○好呼報反。傳同。惡烏路反。傳同。分扶問。詩云。赫赫師尹。民具爾瞻。反。鈇方于反。鈇音越。詩云。赫赫顯盛也。師。犬師。尹氏。周之三公也。具皆也。爾。女也。言居顯盛之位。

衆民皆瞻仰之。所行不可以違。天地之經也。善惡則民從。故有位者慎焉。○赫火百反。節音截。大音泰。女音汝。

孝治章第九 經一百四十四字

子曰。昔者明王之以孝治天下也。所謂明者。照其情也。故下得道上。賤得道貴。卑者不待尊。寵而亢。大臣不因左右而進。百官脩道。各奉其職。有罰者。主亢其罪。有賞者。主知其功。亢知不悖。賞罰不差。有不蔽道。故曰明。所謂孝者。至德要道也。治亦訓也。若不惠。非孝也。事上不敬。非孝也。物。非孝也。接。下不惠。非孝也。事上不敬。非孝也。○亢苦浪反。下同。蒞音利。一音類。

不敢遺小國之臣。而況於公侯伯子男乎。小國之臣。臣之卑者也。公侯伯子男。凡五等。皆國君之尊爵也。卑猶

不敢遺忘。尊者見敬可知也。故得萬國之歡心，以事其先王。
 萬國者，舉盈數也。明王崇愛敬，以接下，則下竭歡心而應之。是故損上益下，民說無疆。自上下下，其道大光。事之者，謂四時享祀，駿奔走在廟也。○說音悅。疆，居良反。下，下。上，遐嫁反。治國者，不敢侮於鰥寡，而況於士民乎。鰥，寡之人。尤，疲弱者。猶且不侮慢，故得百姓之歡心，以事其先君也。○說音悅。士，民乎。道，諸侯言先君，皆明其祖考也。凡民愛之，則親利之，則至。是以明君之政，設利以致之，明愛以親之。若徒利而不愛，則衆不親，徒愛而不利，則衆不至。愛利俱行，衆乃說也。○乃治家者，不敢失於臣妾之心，而況於妻子乎。○說音悅。卿大夫稱家，臣之與妾，賤人也。妻之與子，貴者也。接賤不失禮，則其敬貴必矣。故

得人之歡心，以事其親。人謂采邑之人也。愛利事其親，不言先者，大夫以賢舉，包父。夫然，故生祖之見在也。○采七代反。見賢遍反。夫然，故生則親安之，祭則鬼享之。夫然，猶言如是，生盡孝，故鬼饗之。謂其祖考也。○夫音是以天下和平。扶傳同。養羊尚反。齊側皆反。是以下行孝，愛敬交通。天下災害不生，禍亂不作。上下行孝，愛敬交通。天下生禍亂不起也。○故明王之以孝治天下也。如說音悅。孽，魚列反。故明王之以孝治天下也。如此，福應也。行善則休徵報之。行惡則咎徵。此隨之，皆行之致也。此有諸侯及卿大夫之事。而主於明王者，下之能孝。詩云：有覺德行，四國化於上。○皆行下孟反。詩云：有覺德行，四國順之。詩大雅抑之章也。覺，直也。言先王行正直之德，則四方之衆國皆順從法則之也。○

行下孟反。

聖治章第十經一百四十一字

曾子曰。敢問聖人之德。亡以加於孝乎。曾子聞

孝道化天下。如上章之詳。故知聖人建德無以尚於孝矣。○亡音無。子曰。天地之

性。人為貴。人之行。莫大於孝。性。生也。言凡生天

人最其貴者也。正君臣上下之誼。篤父子兄弟

夫妻之道。辨男女內外疏數之節。章明福慶。示

以廉恥。所以為貴也。孝者。德之本。教之所由生

也。故人之行。莫大於孝焉。○行下孟反。傳同。數

反。色角。孝莫大於嚴父。嚴父莫大於配天。則周公

其人也。嚴尊也。言為孝之道。無大於尊嚴其父。

故曰則。昔者周公郊祀后稷。以配天。凡禘郊祀

之別名也。天子祭天。周公攝政。制之。祀典也。於

祭天之時。后稷佑坐而配食之也。○禘。大計也。

宗祀文王於明堂。以配上帝。上言郊祀。此言宗

一也。明堂。禮誼之堂。即周公相成王。所以朝諸

侯者也。上帝亦天也。文王於明堂。后稷於圜丘

也。○相息亮反。朝。是以四海之內。各以其職來

助祭。夫聖人之德。又何以加於孝乎。人主以孝

民一心而奉其上。萬姓之事。固非用威烈。以忠

愛也。周公秉人君之權。操必化之道。以治必用

之民。處人主之勢。以御必服之臣。是以教行而

下順。海內公侯奉其職貢。咸來助祭。聖孝之極

也。復何以加之孝乎。○夫音扶。秉音是故親生

孝經

十一

也

毓之。以養父母曰嚴。育之者父母也。故其敬父

愛養其父母。而致尊嚴焉。○毓古聖人因嚴以

敬。因親以教愛。言其不失於人情也。其因有

所以愛敬之道成。因聖人之教。不肅而成。其政

不嚴而治。其所因者本也。凡聖人設教。皆緣人

故不加威肅而教成。不加嚴刑而政治。以其皆

父母生績章第十一十字

子曰。父子之道。天性也。言父慈而教。子愛而箴。

其天性。非君臣之誼也。親愛相加。則為父子之

因篤也。

誼焉。此又所以父母生之。績莫大焉。君親臨之。

為兼之事也。

厚莫重焉。績。功也。父母之生子。撫之育之。顧之

之愛。臨長其子。恩情之厚。莫重焉者也。凡上之

所施於下者厚。則下之報上亦厚。厚薄之報。各

從其所施。薄施而厚饋。雖君不能得之於臣。雖

父不能得之於子。民之從於厚。猶飢之求食。寒

之欲衣。厚則歸之。薄則去之。有

由然也。○長丁丈反。饋其位反。

孝優劣章第十二十字

子曰。不愛其親而愛他人者。謂之悖德。不敬其

親而敬他人者。謂之悖禮。盡愛敬之道。以事其

之本也。違是道。則悖亂德禮以訓則昏。民亡則

也。○悖補對反。下及傳皆同。

詩云。淑人君子。其儀不忒。國風曹詩。尸鳩之章也。言善人君子之於威儀無差忒。所以明用上誼也。忒他得反。

紀孝行章第十三

三經九十字

子曰。孝子之事親也。親條說所以事親之誼也。居則致其敬。

養則致其樂。謂虔恭朝夕。盡其歡愛。和顏說色。致養父母。孝敬之節也。○養羊尚

反。傳同。樂音悅。疾則致其憂。喪則致其哀。祭則致

其嚴。父母有疾。憂心慘悴。卜禱嘗藥。食從病者。衣冠不解。行不正履。所謂致其憂也。親既

終沒。思慕號咷。斬衰歎粥。卜兆祖葬。所謂致其

哀也。既葬後。反虞祔練祥之祭。及四時吉祀。盡其齊敬之心。又竭其尊肅之敬。所謂致其嚴也。○慘千感反。悴在醉反。號戶刀反。咷道刀反。衰

七雷反。歎川悅反。五者備矣。然後能事其親。五

奉生之道三。事死之道二。備此。事親者。居上不

驕。為下不亂。在醜不爭。上上位也。醜羣類也。不

命也。不爭。居上而驕。則亡。為下而亂。則刑。在醜

而爭。則兵。刑。驕而無禮。所以亡也。亂而不恭。所以

及此三者不除。雖日用三牲之養。絲為不孝也。

三者謂驕亂爭也。不除。言在身也。三牲。牛羊豕也。絲。固也。三者。在身死亡將至。既自受禍。父母

蒙患。雖日用三牲供養。固為不孝也。○養羊尚反。傳同。絲音由。

五刑章第十四

七經三十字

子曰五刑之屬三千。五刑謂墨劓剕宮大辟也。其三千條。墨劓剕之屬千。截其鼻也。剕之屬千。刻

其額。墨之也。劓。辟之屬千。割其勢也。大辟之屬二百。斷其足也。宮。辟之屬三百。割其勢也。大辟

之屬二百。死刑也。凡五刑之屬三千也。劓。剕音

器。反。刑扶味。反。辟。婢亦反。下同。額息郎反。斷音

短。而。鼻莫大於不孝。刑也。鼻者謂居上而驕為

下而亂。在醜而爭之。要君者亡上。非聖人者亡

比也。○鼻古罪字。要謂約勒也。君者所以稟命也。

法非孝者亡親。而要之此有無上之心者也。聖

人制法所以為治也。而非之此有無法之心者

也。孝者親之至也。而非之此有無親之心者也。

三者皆不孝之甚也。○要於遙反。傳此大亂之

同。亡音無。下同。勒郎得反。治直吏反。此大亂之

道也。此無上無法無親也。言其不恥不仁不良

不誼為大亂之本不可不絕也。凡為國者

利莫大於治。害莫大於亂。亂之所生。生於不祥。

上不愛下。下不供上。則不祥也。羣臣不用禮誼。

則不祥也。有司離法而專違制。則不祥也。故法

者至道也。聖君之所以為天下儀存亡治亂之

所出也。君臣上下皆發焉。是以明王置儀設法

而固守之。卿相不得存其私。羣臣不得便其親

百官之事。案以法則姦不生。暴慢之人。繩以法

則禍亂不起。夫能生法者。明君也。能守法者。忠

廣要道章第十五

子曰教民親愛莫善於孝。孝者愛其親以及人

之心存焉。故欲民之相親愛。則無

善於先教之。以孝也。○行下孟反。教民禮順莫

善於弟。弟者敬其兄也。故欲民之長能弟者。則能

敬順於人者也。故欲民之以禮相順。則

善於弟。弟者敬其兄也。故欲民之長能弟者。則能

無善於先教之以弟也。○移風易俗莫善於樂。
弟大計反。傳同。長丁丈反。○移風易俗。易衰弊之常也。樂五聲之主。盪滌人之心。使和易專一。由中情出者也。故其聞之者。雖不識音。猶屏息靜聽。深思遠慮。其知音。則循宮商而變節。隨角徵以改操。是以古之教民。莫不以樂。以皆為無尚之故也。○盪唐黨反。滌徒歷反。和易以鼓反。屏必領反。徵張反。安上治民。莫善於禮。
言禮最其善。孝弟之實禮也。國無禮。則上下亂而貴賤爭。賢者失所。不肖者蒙幸。是故明王之治。崇等禮以顯之。設爵級以休之。班祿賜以勸之。所以政成禮者。敬而已矣。
禮主於敬。敬也。○弟大計反。禮經三百。威儀三千。皆殊事而合敬。異流而同歸也。○弟大計反。故敬其父則子說。敬其兄則弟說。敬其君則臣說。
此言先王

道化天下。而天下子弟臣說喜也。教之以孝。是敬其父。教之以弟。是敬其兄。教之以臣。是敬其君也。○說音悅。傳同。以弟大計反。敬一人而千萬人說。
上說所之事。此總而言也。一人者。各謂其父兄。○說音悅。所敬者君。千萬人者。羣子弟及臣也。○說音悅。所敬者寡而說者衆。此之謂要道也。
寡。謂一人也。衆。謂化民。此其要者矣。所以說成敬一人之誼也。○說音悅。
廣至德章第十六
經八十三字
子曰。君子之教以孝也。非家至而日見之也。
此所以申明上章之誼焉。言君子之教民。以孝。非家至而日見語之也。君子亦謂先王也。夫蛟龍得水。然後立其神。聖人得民。然後成教。以孝。所以化也。○語魚據反。夫音扶。蛟音交。

以敬天下之為人父者也。所謂敬其父則子說也。以孝道教。即是敬

天下之為人父者也。○說音悅。教以弟。所以敬天下之為人兄

者也。所謂敬其兄則弟說也。以弟道教。即是敬也。○弟大計反。傳以弟

同說。教以臣。所以敬天下之為人君者也。所謂

音悅。君則臣說也。以臣道教。即是敬天下之為人君

者也。古之帝王。父事三老。兄事五更。君事皇尸。

所以示子弟臣人之道也。及其養國老。則天子

袒而割牲。執醬而饋之。執爵而醕之。盡忠敬於

其所尊。以大化天下焉。皇君也。事尸者。謂祭之

象者也。尸即所祭之像。故臣子致其尊嚴也。三

老者。國之舊德。賢俊而老。所從問道。誼。故有三

人焉。五更者。國之臣。更習古事。博物多識。所從

諮道訓。故有五五人焉。○說音悅。更音反。詩云。愷悌

君子。民之父母也。詩大雅洞酌之章也。愷。樂。悌。易

其貴老慈幼。忠愛之心。似民之父母。故以此詩

明之也。○愷。苦亥反。悌。大計反。洞音迥。樂音洛。

下同。易以。非至德。其孰能訓民。如此其大者乎。

孝之為德。其至矣。故非有孝德。其誰能以孝教

民。如此其大者乎。言敷德以化下。下皆順而從

也。

應感章第十七 經一百十三字

子曰。昔者明王。事父孝。故事天明。事母孝。故事

地察。孝。謂立宗廟。豐祭祀也。王者父事天。母事

地。能追孝其父母。則事天地。不失其道。不

失其道。則天地之精爽。明察矣。長幼順。故上下治。謂克明厥德。以親九族也。

長者於王父兄之列也。幼者於王子弟之屬也。能順其長幼之節，則親疏有序，而化之天下。上下不亂也。○長丁丈反。傳同。治直吏反。屬章欲反。天地明察，鬼神章矣。章著也。謂人神不擾，各順其常，禍災不生也。故雖天子必有尊也，言有父也。必有先也，言有兄也。必有長也。更申覆上誼也。天子雖尊，猶尊父事。反覆芳。宗廟致敬，不忘親也。脩身慎行，恐辱先也。說所以事父母之道也。立廟設主，以象其生也。存潔齊敬祀，以追孝繼思。脩行揚名，以顯明祖考。皆孝敬之事也。所以不敢不勉為之者，恐辱其先祖故也。○行下孟反。傳同。齊側皆反。宗廟致敬，鬼神以宗廟致敬，鬼神以

以著言上下各致敬，以祀其先人。則鬼神有所依歸，不相干犯也。言無凶癘也。○癘音厲。孝弟之至，通於神明，光於四海，亡所不暨。明王以孝治天下，則瀉鬼為之不神。不神者，不為患害也。其精神徵應如此，故曰通於神明。又充塞于天地之間焉。無所不及。言普洽也。○弟大計反。亡音無。暨其器反。為于偽反。塞先北反。洽戶反。詩云：自東自西，自南自北，亡思不服。甲反。詩云：自東自西，自南自北，亡思不服。王有聲之章也。美武王孝德之至，而四方皆來服從，與光于四海，無所不暨。誼同。故舉以明此誼也。○亡音無。

廣揚名章第十八 經四字

子曰：君子事親孝，故忠可移於君。能孝於親，則必能忠於君。

矣。求忠臣必於孝子之門也。故順可移於長。善事其兄。能順於長矣。忠出于孝。順出于弟。故可移事父。兄之忠順。以事於君長也。○弟大計反。傳同。長。丁文反。居家理。故治可移於官。能理於家者。則傳同。君子之於人。內觀其事親。所以知其事君。內察其治家。所以知其治官。是以言治者。必效之。以其實。譽人者。必試之。以其官。故虛言不敢自進。不肖不敢處官也。○治直吏反。傳其治言治同。譽音餘。是以行成於內。而名立於後世矣。孝處昌呂反。是以前行成於內。而名立於後世矣。弟之行事。父兄也。而忠順出焉。能理于其家。閨門事也。而治官出焉。所謂行成於內。而名立於後世也。昔虞舜生於畎畝。父頑。母嚚。弟又很傲。用世也。能理率行。孝道烝烝不怠。天下推之。萬姓詠之。彌歷千載。而聲聞不亡。所謂揚名後世。以顯父母也。○行下孟反。傳之行。行成同。弟大計反。畎父

工犬反。噐魚巾反。很與狠同。胡懇反。推吐雷反。聞音問。

閨門章第十九 經二十四字

子曰。閨門之內。具禮矣乎。於此都目其為具禮矣。夫禮。經國家。定社稷。厚人民。利後嗣者也。君子脩孝於閨門。而事君事長。以治官之誼備存焉。○夫音扶。嚴親嚴兄。所以言具禮之事也。嚴長。丁文反。嚴親嚴兄。弟也。孝以事君。弟以事長。而忠順之節著矣。妻子臣妾。繇百姓徒役也。臣謂家臣僕也。故家人有嚴君焉。父

姓徒役也。之謂也。父謂嚴君。而兄為尊長。則其內。而君人。之禮具矣。○繇音由。長丁文反。

諫爭章第二十 經一十八字

諫爭章第二十 經一十八字

曾子曰。若夫慈愛龔敬。安親揚名。參聞命矣。慈

者。所以接下也。恭敬者。所以事上也。安親揚名

者。孝子之行也。曾子稱名曰。參既得聞此命也。

○夫音扶。龔與恭同。參。敢問子從父之命。可謂

孝乎。疑思問也。夫親愛禮順。非違命之謂也。子

曰。參。是何言與。是何言與。言之不通邪。再言之

深也。可。否則不相濟。謂之和。以水濟水。謂之同。和實

生民。同則不繼。務在不違。同也。從是爭。非和也。

曾子魯鈍。不推致此。誼。故謂之不通。昔者天子

有爭臣七人。弼也。凡此七官。主諫。後丞左輔右

也。○爭音諍。章。雖亡道。不失天下。先王之至德

內及傳皆同。

要道也。不失天下。言從諫也。帝王之事。一日萬

機。萬機有闕。天子受之禍。故立諫爭之官。以匡

已過。過而能改。善之大者也。故凡諫。所以安上。

猶食之肥體也。主逆諫。則國亡。人皆食則體瘠

也。○亡音無。下亡道。諸侯有爭臣五人。自上以

同。皆音紫。瘠在昔反。諸侯有爭臣五人。自上以

以兩。故五人。五人。謂天子所命之孤卿。雖亡道

及國之三卿。與大夫也。○殺所戒反。雖亡道。不失其

不失其國。誰非聖人。不能無愆。從諫如。大夫有

爭臣三人。室也。○謂家相宗老側。雖亡道。不失其

家。皆謂能受正諫。善補過也。天子王有四海。故

夫祿食采邑。故稱侯君臨百姓。故以國為名。大

謂之爭友。不離善名。言常在身也。○父有爭子。離力智反。傳同。磋七何反。告古毒反。父有爭子。則身不陷於不誼。而父有過。則子必安。幾諫。見志。則復諫也。又不從。則號泣而從之。終不使父陷。于不誼而已。則孝子之道也。○幾音機。說音悅。下同。復扶又。故當不誼。則子不可以不爭於父。反。號戶刀反。故當不誼。則子不可以不爭於父。當。值也。值父有不誼之。臣不可以不爭於君。事。事。子。值。不可。以。不。諫。爭。也。臣。不。可。以。不。爭。於。君。君。之。禮。值。其。有。非。必。犯。嚴。顏。以。道。諫。爭。三。諫。不。納。奉。身。以。退。有。匡。正。之。忠。無。阿。順。之。從。良。臣。之。節。也。若。乃。見。可。諫。而。不。諫。謂。之。尸。位。見。可。退。而。不。退。謂。之。懷。寵。懷。寵。尸。位。國。之。姦。人。也。姦。人。在。朝。賢。者。不。進。苟。國。有。患。則。優。俺。侏。儒。必。起。議。國。事。矣。是。謂。人。主。毆。國。而。捐。之。也。○三息暫反。朝直。遙反。俺與闔同。一。故當不誼。則爭之。從父之命。作奄。毆起。俱反。

又安得為孝乎。

從命不得為孝。則諫為孝矣。故

諫爭。所以為忠。孝者。也。重見當其不誼也。夫臣能固爭。至忠。子能固諫。至孝也。人主忌忠。謂之不君。人父忌孝。謂之不父。忌忠孝。則大亂之本也。○重直用反。夫音扶。

事君章第二十一

經四十九字

子曰。君子之事上也。

上。謂君父。此之謂君子。以德稱也。有君子之德。而在

下位。固所以進思盡忠。退思補過。進見於君。則宜事君也。退思。盡忠。退思。補過。必竭其忠。貞之節。以圖國事。直道正辭。有犯無隱。退還所職。思其事。宜獻可替否。以補主過。所以為忠。君有過而臣不行。謂之補。將順其美。匡救其惡。將行過也。○見賢。遍反。將順其美。匡救其惡。將行其法。令順之。行。使不至於惡。此臣之所以為功。救其邪辟之行。使不至於惡。此臣之所以為功。

也。故明王審言教以清法。案分職以課功。立功者賞。亂政者誅。誅賞之所加。各得其宜也。○辟匹亦反。之。行。下。故。上下能相親也。道主以先王孟反。分。扶。問。反。故。上下能相親也。道主以先王無過之地。君臣並受其福。上下交和。所謂相親是。故詳才量能。講德而舉。上之道。下也。盡忠守節。謨明弼諧。下之事。上也。為人君。而下知臣事。則有司不任。為人臣。而上專主行。則上失其威。是以有道之君。務正德以蒞下。而下不言知能之術。知能。下所以供上也。所以用知能者。上之聽者也。故不言知能。而政治者。善人舉官。人得視者。也。上。有。其。道。下。守。其。職。上。下。之。分。定。也。○道音導。下。道。同。行。下。孟。反。下。同。拯。拯。救。之。拯。蒞音利。又音類。治直吏。詩云。心乎愛矣。遐不謂矣。反。夫音扶。分扶問反。詩云。心乎愛矣。遐不謂矣。則遠乎不以善事語之也。○語魚據反。忠。心。臧。

之何日忘之。

君子忠。心實善。則何日豈忘謂其

與詩同。故取以明之。此詩小雅隰桑之章也。○臧子郎反。語魚據反。

喪親章第二十二

經一百四十二字

子曰。孝子之喪親也。

父母沒。斬衰居憂。謂之喪親也。○衰七雷反。後皆同。

哭不依禮。亡容。

斬衰之哭。其聲若往而不反。無依違餘音也。喪事質素。無容儀。

所以主於哀也。○言不文。

發言不文。飾其辭也。斬

為不文也。○服美不安。

夫唯不安。故不服也。美。謂錦繡盛服也。先王制

禮。稱情立文。凶服象其憂。吉服象其樂。各所以表飾中情也。是以衰麻在身。即有悲哀之色。端冕在身。即有矜莊之色。介冑在身。即有可畏之色也。○夫音扶。稱尺證反。樂音洛。聞樂

不樂食旨不甘。旨亦美也。其不樂故不聽。不美故不食。孝子思慕之至也。○不

樂音洛。此哀戚之情也。所以解上六句之誼。三

日而食。教民亡以死傷生也。禮親終哭踊無數。水漿不入口。毀竈

不舉火。既斂之後。鄰里為之。饋粥以飲食之。三

日。以終者。聖人立制足文理。不以死傷生也。○

斂力驗反。後同。饋之然反。粥。毀不滅性。此聖人

之正也。孝子在喪。可以毀瘠。杖然後起。而不可

比於不孝。此聖人之正制也。喪不過三年。示民

有終也。孝子有終身之憂。然三年之喪。二十五

性。則是無窮也。故以禮取中。制為三年。使賢者

俯就。不肖者企及。所以示民有竟之限也。○闕

苦穴反。企。為之棺槨衣衾以舉之。禮為死制。槨

周於衣。衣周於身。衣即斂衣。衾被也。舉尸內之

棺槨也。○棺音官。槨音郭。為死于偽反。內音納。

陳其簋簠而哀戚之。陳列而不御。黍稷潔盛而

不毀。孝子所以重增哀戚也。○簋音。哭泣擗踊。

甫。簋音軌。盛音成。下同。重直龍反。哭泣擗踊。

哀以送之。卜其宅兆而安措之。擗。心曰擗。跳曰

男踊。女擗。哀以送之。送之。送墓。始死。擗下。浴於

中。霑飯於。擗下。斂於戶內。殯於客位。祖奠於庭。

送葬於墓。彌以即遠也。卜其葬地。定其宅兆。兆

謂塗域。宅謂穴。措置也。安置棺槨於其穴。卜葬

地者。孝子重慎。恐其下有伏石漏水。後為市朝。

遠防之也。○擗。婢亦反。槌與椎同。一作槌。跳徒

彫反。泄息列反。擗。羊九反。雷力又反。飯。為之宗

扶晚反。殯必刃反。塋音營。朝直遙反。

廟以鬼享之。春秋祭祀以時思之。

三年喪畢立其宗廟用鬼

禮享祀之也。言春則有夏。言秋則有冬。舉春秋而四時之誼存矣。春雨既濡。君子履之。必有怵

惕之心。感親而脩祭焉。所謂以時思之也。○享許文反。通作享。怵救律反。惕他歷反。生事

愛敬死事哀戚。父母生則事之以愛敬。死則事之以哀戚。糾撮上章之要也。○

糾居黜反。撮七活反。生民之本盡矣。謂立身之道盡也。死生

之誼備矣。事死事生之誼備於此也。孝子之事終矣。言為孝

終竟於此篇也。

通計經一千八百六十一字。傳八千七百九十四字。

孝經終

享保十七年壬子仲冬朔旦

東都

紫芝園藏版

嘉永二己酉三月

再板

書肆嵩山房小林新兵衛發行

